

9. februar 2022

UPA2022/45

Inatsisartut Suleriaasianni § 33 naapertorlugu aalajangiiffigisassatut siunnersuut imattoq matumuuna saqqummiuppara:

Nunatsinni kommunit akornanni danskit "Kommune Kredit"-ianut assingusumik pilersitsisinnaanermik Naalakkersuisut pitsaaqutinik pitsaanngequatinillu misissueqqullugit peqquneqarnissaannik inatsisartut aalajangiiffigisassaattut siunnersuut. Misissuineq aningasatigut periutsit qanoq ittut atorneqarsinnaanerannik siunnersuutinik imaqassaaq, misissuinerlu UPA2023 nallertinnagu inatsisartunut ilaasortanut agguanneqassaaq.

(Inatsisartunut ilaasortaq Jess Svane, Siumut)

Tunngavilersuut:

Ukiopassuit matuma siorna danmarkimi kommuunit ataatsimoorlutik aningasaniq atorniaqatigiittarfissaminnik pilersitsimapput. Pilersitsinermanni siunertarisimavaat kommuuniminni aningasaliisarnerminni, avataaniit attartortariaqassatillutik, attartugassamik erniakinnerpaaffissaaniitinnissaat. Massakkut kommuunit aningasaniq attartoqatigiiffiat nunarsuatsinni aningasaniq attartortissallugu qularnaalluinnartutut nalilorsorneqarpoq. Tamannalu kinguneraa kommuunit peqataasut avataaniit aningasalersuiniassatillutik erniakitsuararsuarmik attartorsinnaasarnerat.

Nunatsinni kommuunit ataatsimoorullugu suleqatigiillutik pilersitsisinnaanerat eqqarsaatigalugu periarfissat suusinnaaneri misissorneqartariaqarsoraakka. Tassami avataaniit aningasalersuitilluni ernianik aningasartuuteqarnermi sipaaruteqarsinnaagaanni, innuttaasut aningasaataasa pitsaunerusumik atornissaat qulakkeerneqarsinnaammat. Erniakinnerusumillu attartornermittaaq aamma ukiut akilersuiffiusut ikilisinnaasarlutik, imaluunniit akiliutigisartakkat apparsinnaallutik.

Taamatuttaarlu aningasalersorniakka akilersinnaassusaanut sunniussinnaallutik. Taamaalilluni kommuunerisami suliniutip sinnattuinnaanani piviusunngortissinnaanera qaninnerulersinnaalluni.

Tassa taamaattumik pilersitsinkkut kommuunit nammineerlutik ineriertorsinnaanerat aammalu aningasaniq sipaarsinnaanerat aqqutissiuussinnaavarput.

Pisortanut aningasatigut allaffissornikkullu kingunerisassat:

Misissuinermut atatillugu aningasartuutissatut missiliunneqarpoq AC-p ataatsip ukumi ataatsimi sulineratut annertussuseqassasoq, tassa kr. 500.000 missiliorlugu.

Namminersorluni inuussutissarsiuteqarnermut aningasatigut allaffissornikkullu kingunerisassat:
soqanngilaq

Innuttaasunut aningasatigut allaffissornikkullu kingunerisassat:
soqanngilaq